

〔清〕魏源 撰 魏源全集编辑委员会 编

魏源全集

（一）

湖湘文库编辑出版委员会 岳麓书社

[清]魏源 撰


魏源全集编辑委员会 编

魏源全集



湖湘文库编辑出版委员会

岳麓书社



湖南理工学院图书馆



Z1227878

湖湘文库
甲编

元史新编卷七十三

志二之三

地理三

陕西诸道行御史台。

陕西等处行中书省，为路五、府四、州二十七，属州十二，属县八十八。本省陆站八十处，水站一处。

奉元路，上。唐初为雍州，属关内道，又改京兆府，又以京城为西京，又曰中京，又改上都。宋分陕西〔永兴〕、秦凤、熙河、泾原、环庆、鄜延为六路。⁽¹⁾金并陕西为四路。元中统三年，立陕西四川行省，治京兆。至元初，并云阳县入泾阳，栌阳县入临潼，终南县入盩厔。十六年，改京兆为安西路总管府。二十三年，四川置行省，改此省为陕西等处行中书省。太德元年，移云南行台于此，为陕西行台。皇庆元年，改安西为奉元路。户三万三千九百三十五，口二十七万有千四百。壬子年数。领司一、县十一、州五。州领十五县。

录事司。

县十一

咸宁，下。与长安并治郭下。长安，下。咸阳，下。兴平，下。临潼，下。屯田千二十顷有奇。蓝田，下。泾阳，下。至元二年，并入高陵县，三年复

立，屯田千三十顷有奇。高陵，下。鄠县，下。盩厔，下。屯田九百四十三顷有奇。鄠县。下。旧为鄠州，添置栎林县。至元元年，省鄠州为鄠县，废栎林。

州五

同州，下。唐初为同州，又改冯翊郡，又复为同州。宋因之，置定国军节度于此。金因之。元仍为同州。领五县：

朝邑，下。白水，下。郃阳，下。澄城，下。韩城。下。唐、宋为（郃）〔韩〕城县，^[2]金曰（禎）〔禎〕州，^[3]至元元年，州废。二年再立。六年，州又废，止设县。

华州，下。唐华州，兼置镇国军。宋改军额曰镇潼。金改军额曰金安。元复为华州。西岳华山在焉。领三县：华阴，下。蒲城，下。渭南。下。屯田一千二百二十二顷有奇。

耀州，下。唐初立宜州，后为华原县，后又为耀州。宋因之，置感义军节度于此，又改军额曰感德。金仍为耀州。元至元元年，并华原县入州，又并美原入富平。领三县：三原，下。富平，下。同官。下。

乾州，下。唐以高宗乾陵所在，改醴泉县为奉天，又升为乾州。宋改醴州。金复改乾州。元至元元年，并奉天县入州。五年，复置奉天，省好畤入焉，又割永寿来属，后又改奉天为醴泉。领三县：醴泉，下。武功，下。永寿。下。宋、金属邠州。至元十五年，徙县治于麻亭。

商州，下。唐初为商州，又改上洛郡，又复为商州。宋、金及元皆因之。领一县：洛南。下。

延安路，下。唐初为延州，又改延安郡，又为延州。宋为延安府，置彰武军节度于此，隶鄜延路。金因之。元改延安路。户六千五百三十九，口九万四千六百四十。壬子年数。领县八、州三。州领八县。本路屯田四百八十余顷。

县八

肤施，下。甘泉，下。宜川，下。元初置司候司。至元六年，省入宜川。
延长，下。延川，下。安定，下。本宋旧堡，元壬子年升为安定县。至元元年，
 析置丹头县。四年，并丹头入本县。安塞，下。本金旧堡，壬子年升为县。保安。
 下。金为保安州，至元六年，降为县。

州三

鄜州，下。唐初为鄜州，又改洛交郡，又复为鄜州。宋、金因之。旧领洛交、洛川、鄜城、直罗四县。元至元四年，并鄜城入洛川，又并洛交、直罗入州。六年，废坊州，以中部、宜君二县来属。领三县：洛川，下。中部，下。宜君。下。

绥德州，下。唐绥州，又改上郡，又为绥州。宋为绥德军。金为州，领八县。归附后，并嗣武入米脂，绥平入怀宁。至元四年，并定戎入米脂，怀宁入青涧，又并义合、绥德入本州。领二县：青涧，下。米脂。下。

葭州，下。唐银州。宋置晋宁军于此。金改为葭州。元至元六年，并通秦、弥川、葭芦入州，并太和入神木，建宁入府谷。领三县：神木，下。元初创立云州于古麟州之神木寨。至元六年，废州为县。吴堡，下。府谷。下。后唐为府州。元初建州治。至元六年，废为县。

兴元路，下。唐为梁州，又改汉中郡，又为兴元府。宋仍旧名。元立兴元路总管府，久之，以凤、金洋二州隶焉。宋时领南郑、西县、褒城、廉水、城固五县，后废廉水入南郑。元初割出西县属沔州，以洋州西乡县来属。户二千有百四十九，口万九千三百七十。至元二十七年数。领县四、州三。

县四

南郑，下。城固，下。褒城，下。西乡。下。

州三

凤州，下。唐初为凤州，后置感义军节度于此。宋仍为凤州。元至元五年，以在郭梁泉县并入州，隶兴元路。

洋州，下。唐改洋川郡，又复为洋州，置武定军节度于此。宋更军额曰武康，而州名仍旧。元至元二年，省兴道、真符二县入州。

金州。下。唐改西城郡为金州。宋升为金房开达四州路。元为散州。

陕西汉中道肃政廉访司。

凤翔府，唐为扶风郡，又为凤翔府，号西京。宋、金因其名。元初，割平凉府、秦、陇、德顺、西宁、镇（宁）〔原〕州隶巩昌路，^[4]废恒州，以所领盩厔县隶安西府路，寻立凤翔路总管府。至元九年，更为散府。户二千有八十一，口万四千九百。壬子年数。领县五：凤翔，下。屯田九十顷有奇。扶风，下。岐山，下。宝鸡，下。麟游，下。

邠州，下。唐豳州，以字类幽，改为邠。宋、金以来皆因之。领县二：新平，下。淳化。下。至元七年，并三水入本县。

泾州，下。唐改安定郡，后仍为泾州。宋因之，置彰化军节度于此。旧领保定、长武、灵台、良原四县。金改保定县为泾（州）〔川〕。^[5]元初以隶都元帅府，立总司辖分邠州，后属巩昌都总帅府，或隶平凉府，后直隶行省。领县二：泾川，下。泾州治此，即保定。灵台。下。至元七年，并归泾川。十一年复立。以良原并入，而长武仍并于泾州。

开成州，下。唐原州。宋为镇戎军。金升镇戎州。元初仍为原州。至元十年，皇子安西王分治秦、蜀，遂立开成府，仍视上都，号为上路。至洛三年，降为州。领县一、州一。

县一

开成。

州一

广安州。本镇戎地，金升为县，隶镇戎州，经乱荒废。元至元十年，安西王封守西土，既立开成路，遂改为广安县，募民居止，未几户口繁夥。十五年升为州，仍隶本路。

庄浪州，下。本华亭县地。唐属陇州。宋属渭州。金属平凉府。元置庄浪路。初隶甘肃省，至元二十六年，以去甘肃省远，改隶安西省。安西省后改陕西省。大德八年，降为州。东北至平凉府百七十里，西北至静宁州九十里。又延祐六年，改庄浪巡检司为县，属永昌路，在兰州西北二百余里，与此同名异地。旧志阙略未载。

巩昌等处总帅府。

巩昌府，唐初置渭州，后曰陇西郡，寻陷入吐蕃。宋复得其地，置巩州。金为巩昌府。元初改巩昌路便宜都总帅府，统巩昌、平凉、临洮、庆阳、隆庆五府及秦、陇、会、环、金、德顺、徽、金洋、安西、河、洮、岷、利、巴、洸、龙、大安、褒、泾、邠、宁、定西、镇原、阶、成、西和、兰二十七州，又于成州行金洋州事。至元五年，割安西州属脱思麻路总管府。六年，以河州属吐蕃宣慰司都元帅府。七年，并洮州入安西州。八年，割岷州属脱思麻路。十三年，立巩昌路总管府。十四年，复行便宜都总帅府事，其年割隆庆府，利、巴、大安、褒、洸、龙等州隶广元路。二十一年，又以泾、邠二州隶陕西汉中道宣慰司，而帅府所统者，巩昌、平凉、临洮、庆阳，府凡四；秦、陇、宁、定西、镇原、阶、成、西和、兰、会、环、金、德顺、徽、金洋，州凡十有五。户四万五千一百三十五，口三十六万九千二百七十。壬子年数。领司一、县五。

录事司。

县五

陇西，下。宁远，下。伏羌，下。本旧寨，至元十三年升县。通渭，下。

鄯县。下。宋名盐川寨，金为镇，至元十七年，置此县。

平凉府，唐为马监，隶原州。宋为渭州，置平凉军节度于此，兼领泾原路安抚使。金立平凉府。元初并潘原县入平凉，化平入华亭，隶巩昌帅府。领县三：平凉，下。屯田百有十五顷。崇信，下。华亭。下。

临洮府，唐临洮军。宋为镇洮军，又为熙州。金为临洮府。元至元十三年，复以渭原堡升为县。领县二：狄道，下。渭源。下。庆阳府，唐庆州。宋因之，为环庆路治所，置庆阳军节度于此，又升府。金为庆（源）〔原〕路。^[6]元初改为庆阳散府，至元七年，并安化、彭原入焉。领县一：合水。下。

秦州，中。唐为秦州。宋、金因之。旧领六县。元至元七年，并鸡川、陇城入秦安，冶坊入清水。领县三：成纪，中。清水，中。秦安。下。

陇州，中。唐改汧阳郡，复为陇州。宋、金置防御使。旧领四县。元至元七年，省吴山、陇安入汧源。十三年，罢防御使为散郡。有吴山为西镇。领县二：汧源，中。延祐四年，并入陇州。汧阳。下。宁州，下。唐初改北地郡为宁州。宋、金因之。元至元七年，并襄乐、安定、定平入州。领县一：真宁。下。

定西州，下。本唐渭州西市，五代沦于先零。宋置定西城。金改定西县，复升为州，仍置安西县，移州治焉，并以通西寨置县来属。^[7]元至元三年，并三县入本州。屯田四百六十七顷。至正十二年，以地震改为安定州。

镇原州，下。唐原州，又为平凉郡。宋、金因之。元改镇原州，以镇戎州之东山、三川二县来属。至元七年，例并州县，遂以临泾、彭阳及东山、三川四县入本州。屯田四百二十六顷有奇。

西和州，下。唐岷州，又改和政郡，又仍为岷州。宋改曰西

和。旧领县三，大潭、祐川军兴久废，惟有长道一县，元至元七年，亦并入本州。

环州，下。唐改威州。宋复为环州，后与庆州定为环庆路。金隶庆阳府。元初为散郡。旧领通远一县，至元七年并入本州。金州，下。本兰州龕谷寨，金升寨为县，以龕谷为金州治所。元至元七年，并县入州。

静宁州，下。宋庆历中，以渭州陇干城置德顺军，复置陇干县。金升为州。元初并治平、(永)〔水〕洛^[8]入陇干，后复省陇干，改为静宁州。领县一：隆德。下。

兰州，下。唐初置，后改金城郡，又仍为兰州。宋、金因之。元初领阿干一县及司候司，至元七年并司县入本州。

会州，下。唐初改西会州，又为(粟)〔粟〕州^[9]又为会宁郡，又为会州。宋置敷(文)〔川〕县^[10]金置(宝)〔保〕川县^[11]，陷于河西，侨治州西南百里会川城，名新会州。元初弃新会州，迁于所隶西宁县。至元七年，并县入州。至正十二年，改会宁州。

徽州，下。元兵入蜀，凤州二县首降，以凤州仍治梁泉，别置南凤州治于河池。后又升永宁乡为县，与两当同为属邑。至元元年，改为徽州。七年，并河池、永宁二县入州。领县一：两当。下。

阶州，下。唐初置武州，又改武都郡，又更名阶州。宋因之。今州治在柳树城，距旧城东八十里。旧领福津、将利二县，至元七年并入本州。

成州，下。唐初为成州，又改同谷郡，后仍为成州。宋因之。旧领同谷、栗亭二县。元初岁壬寅，以田世显掣成都府归附，令迁于栗亭，行栗亭管民司事，不隶成州，割天水县来属。至元七年，并同谷、天水二县入州。

金洋州，本隶兴元路，戊戌岁，有雷、李二将挈民户归附，令迁至成州，自行金洋州事。

吐蕃等处宣慰司都元帅府。治河州。至元九年，于吐蕃西〔川〕界立宁河站。^[12]

河州路。下。领县三：定羌，下。宁河，下。安乡。下。

雅州。下。宪宗戊午岁，攻破雅州，石泉守将赵顺以城降。领县五：（石）〔名〕山，^[13]下。泸山，下。百丈，下。荣经，下。严道。下。

黎州。下。至元十八年，给黎、雅州民千一百五十四户，钞二千三百八锭，以资牛具种实。领县一：汉源。下。

洮州。下。领县一：可当。下。

贵德州，下。本生羌地，金《志》：积石州怀羌县，西至生羌界八十里。循化城，西至生羌界百里。金积石州本宋积石军溪哥城。元置贵德州。东至河州八百二十里。潘思昂《河源志》：河水过昆仑北，向东北流，约行半月，至贵德州，地名必赤里，始有州治官府。又四五日，至积石州，又五日，至河州安乡关云。

茂州。下。领县二：（文）〔汶〕山，^[14]下。汶川。下。

脱思麻路。

岷州。下。

铁州。下。唐为岷州地，后陷于吐蕃。宋熙宁中收复岷州，于州东北置铁城堡。元升为铁州。

碉门鱼通黎雅长河西宁远等处宣抚司。至元二年，授雅州碉门安抚使高保四虎符，高保四言：“碉门旧有城邑，中统初为宋人所废，众依山为栅，去碉门半舍，欲复戍故城，便于守佃。”敕秦蜀行省相度。三年，谕四川行枢密院，遣人于碉门、岩州西南沿边，招谕官吏军民，有愿来归者，优恤之，愿徙近里城邑者给屋舍。

礼店文州蒙古汉儿军民元帅府。太德十一年，以属吐蕃宣慰司非便，仍旧隶脱思麻宣慰司，防守陕州。自河州以下至此多阙，其余如朵甘斯、乌思藏、积石州之类尚多，载籍疏略，莫能详录也。

四川等处行中书省，为路九、府三，属府二，属州三十六，

军一，属县八十一。蛮夷种落，不在其数。本省陆站四十八处，水站八十四处。盐场十二处，俱盐井所出。井凡九十五眼，在成都、夔府、重庆、叙南、嘉定、顺庆、广元、潼川、绍庆等路所管州县万山之间。

西蜀四川道〔肃政〕廉访司。^[15]

成都路，上。唐改蜀郡为益州，又改成都府。宋为益州路，又为成都府路。元初抚定，立总管府，设录事司。至元十三年，领成都、嘉定、崇庆三府，眉、邛、隆、黎、雅、威、茂、简、汉、彭、绵十一州，后嘉定自为一路，以眉、雅、黎、邛隶之。二十年，又割黎、雅属吐蕃招讨司，降崇庆为州，隆州并入仁寿县，隶本府。户三万二千九百有十二，口二十一万五千八百八十。至元二十七年数。领司一、县九、州七。州领十一县。

录事司。

县九

成都，下。唐、宋为成都府治所。至元十三年，以本县元管大城内西北隅并入录事司。华阳，下。新都，下。郫县，下。温江，下。双流，下。新繁，下。仁寿，下。唐为陵州。宋为隆州。元至元二十年，以此州地荒民散，并为仁寿县，隶成都府路。金堂，下。宋属怀安军。元初升为怀州，而县属如故。至元二十年，并州入金堂县，隶成都府路。

州七

彭州，下。唐置蒙州，又为彭州。宋及元因之。领二县：蒙阳，下。崇宁，下。

汉州，下。唐为德阳郡，又为汉州。自唐至宋，苦于兵革，民不聊生。元中统元年，复立汉州。领三县：什邡，下。德阳，下。至元八年，升为德州。十三年，仍为县，隶成都路。十八年，复来属。绵竹，下。至元十三年，以户少并入州，后复置。

安州，下。唐置石泉县。宋升为军。元中统五年，升为安州。领一县：石泉，下。

灌州，下。唐导江县。五代为灌州。宋为永康军，后废为灌口塞。元初复立灌州。至元十三年以导江、青城二县户少，省入州。青城陶坝立屯田万户府。

崇庆州，下。唐为唐安郡，又为蜀州。宋因之，后升为崇庆府，置崇庆军于此。元至元十二年，立总管府。二十年，改为崇庆州，并江原县入州。本州有屯田万户府。领二县：晋原，下。新津。下。

威州，下。唐维州。宋改威州，领保宁、通化二县。元至元十九年，并保宁入州。领一县：通化。下。

简州，下。唐析益州置。宋因之。元至元二十年，并附郭阳安县入州。二十二年，并成都府所属灵泉县来隶。而本州有平泉，以地荒，竟废之。

嘉定府路，下。唐初为嘉州，又改犍为郡，又仍为嘉州。宋升嘉定府。元至元十三年，立总管府。旧领龙游、夹江，峨眉、犍为、洪雅五县。二十年，并洪雅入夹江。领司一、县四、州二。州领三县。户口数阙。

录事司。

县四

龙游，下。夹江，下。峨眉，下。犍为。下。

州二

眉州，下。唐改嘉州，又仍为眉州。元至元十四年，隶嘉定路。领二县：彭山，下。青神。下。

邛州，唐初置邛州，又改临邛郡，又仍为邛州。元至元十四年，立安抚司，兼行州事。二十一年，并临邛、依政、蒲江三县入州。领一县：大邑。下。

广元路，下。唐初为利州，又改益昌郡，又复为利州。宋为利

州路，端平后兵乱无宁岁，地荒民散者十有七年。元宪宗三年，立利州治，设都元帅府。至元十四年，罢帅府，改为广元路。户万六千四百四十二，口九万六千四百。至元二十七年数。领县二、府一、州四。府领三县，州领七县。本路屯田九顷有奇。

县二

绵谷，下。昭化。下。元初并葭萌入焉。

府一

保宁府，下。唐隆州，又改阆州，又为阆中郡。后唐置保宁军于此。宋仍为阆州，改军额曰安德。元初立东川路元帅府。至元十三年，升保宁府。二十年，罢元帅府，改保宁路。初领新得、小宁二州，后并入阆中县，又并奉国入苍溪县，新井、新政、（西）〔酉〕水总入南部县，仍改为府，隶广元路。本府屯田百一十八顷有奇。领三县：阆中，下。倚郭。苍溪，下。南部。下。

州四

剑州，下。唐为始州，后改剑州。宋升隆庆府，置普安军于此。^[16]元至元二十年，复为剑州。领二县：普安，下。至元二十年，并普城、剑门入焉。梓潼。下。

龙州，下。唐初为龙门郡，又改龙州，又改江油郡，又改应灵郡。宋改政州，继复旧。元宪宗岁戊午，宋守将以城降。至元二十二年，并江油、清川二县入焉。

巴州，下。唐初改巴州，又改清化郡，又为巴州。宋领化城、难江、恩阳、曾口、通江五县。元至元二十年，并（南）〔难〕江、恩阳入化城，^[17]通江入曾口。领二县：化城，下。曾口。下。

沔州，下。唐初为兴州，又为顺政郡，又改兴州。宋改沔州。元至元十四年，隶广元路。二十年，废褒州，止设铎水县，迁沔州而治焉。领三县：铎水，下。倚郭。大安，下。本大安州，至元二十年，

降为县以来属。略阳。下。至元二十年，并长举及西县入焉。

顺庆路，下。唐果州南充郡。宋升顺庆府。元中统元年，立征南都元帅府。至元四年，置东川路统军司，后改东川府。十五年，复为顺庆。二十年，升为路，设录事司。户二千八百二十一，口九万五千有百五十。至元二十七年数。领司一、县二、府一、州二。府领二县，州领五县。

录事司。

县二

南充，下。至元二十年，并汉初入焉。西充。下。至元二十年，并流溪旧县入焉。

府一

广安府，唐属宕渠、巴西、洛陵三郡。宋置广安军，又改宁西军。元至元十五年，废宁西军。二十年，升为广安府。旧领渠江、岳池、和溪、新明四县，后并和溪、新明入岳池。领二县：渠江，下。倚郭。岳池。下。

州二

蓬州，下。唐改蓬山郡，又仍为蓬州。元初立宣抚都元帅府，后罢。至元二十年，立蓬州路总管府，后复为蓬州。领三县：相如，至元二十年，以金城寨入焉。营山，下。至元二十年，并良山入焉。仪陇。下。至元二十年，并蓬池、伏虞入焉。

渠州，下。唐初为渠州，又改潏山郡，又为渠州。宋属潼川府。元至元十一年，立渠州安抚司。二十年，罢安抚司，以渠州为散郡。领二县：流江，下。至元二十六年，省入渠州。大竹。下。至元二十年，并邻山、邻水入焉。

潼川府，唐梓州，又改梓潼郡，又为梓州。宋因之，置静戎军于此，又改军额曰静安，又升潼川府。兵后地荒，元初复立府

治。至元二十年，并涪城及录事司入酆县，通泉入射洪，东关入盐亭，铜山入中江。领县四、州二。户口阙。

县四

酆县，下。倚郭。中江，下。射洪，下。盐亭。下。

州二

遂宁州，下。唐遂州，又改遂宁郡。宋为遂宁府。元初因之。至元十九年，并遂宁、青石二县入小溪，长江入蓬溪，后复改为州。领二县：小溪，下。蓬溪。下。

绵州，下。唐初为绵州，又改巴西郡，又复为绵州。宋因之。元初隶成都路。元至元二十年，并魏城入本州，改隶潼川路。领二县：彰明，下。罗江。下。

永宁路，下。唐为羁縻蔺州。宋为泸州南境。元至元十五年，置西南番安抚司，以授蛮酋阿永。二十一年，罢安抚司，立西南番总管府。二十七年，改为永宁路。领州一。

筠连州。阙。^[18]至元十七年，四川行省参政行诸蛮夷部宣慰司咎顺言，先是奉旨以高州、筠连州腾川县隶安抚郭汉杰立站，今汉杰已并蛮洞五十六。有旨：“此五十六洞如旧隶高州、筠连，则与郭汉杰立站，否则还之咎顺。”领一县：腾川。下。

四川南道宣慰司。至元十六年立。

重庆路，下。唐渝州。宋更名恭州，又升重庆府。元至元十六年，立重庆路总管府。二十一年，升为上路，割忠、涪二州为属郡。二十二年，又割涪、合来属，省璧山入巴县，废南平军入南川县为属邑，置录事司。户二万二千三百九十五，口九万三千五百三十。至元二十七年数。领司一、县三、州四。州领十县。本路三堆、中槽、赵市等处屯田四百二十顷。

录事司。

县三《本纪》，后至元四年，置垫江县，隶重庆路。旧志未载。

巴县，下。倚郭。江津，下。至元十六年，赐四川行省参政管顺田民百八十户于江津县。南川，下。

州四

泸州，下。唐改泸川郡为泸州。宋因之，置泸川军于此。元至元二十年，并泸川县入焉。二十二年，隶重庆路。领三县：江安，下。纳溪，下。合江，下。

忠州，下。唐改为南宾郡，又为忠州。宋升咸淳府。元仍为忠州。领三县：临江，下。南宾，下。丰都，下。

合州，下。唐为合州，又改巴川郡，又仍为合州。宋因之。淳祐中徙州治钓鱼山，元自宪宗时攻之，至世祖至元十五年，城始降，仍为合州。并赤水入石照县^[19]。二十二年，州复还旧治，隶重庆路。领三县：铜梁，下。元初并巴川入焉。定远，下。本宋地，名女菁平。元至元四年，便宜都总帅部兵创为武胜军，后为定远州。二十四年，降为县。石照，下。

涪州，下。唐改为涪陵郡，又改涪州。宋因之。元至元二十年，并涪陵、乐温二县入焉。领一县：武龙，下。

绍庆府，下。唐黔州，又黔中郡。宋升为绍庆府。元至元二十年，仍置府。户三千九百四十四，口万五千有百八十九。至元二十七年数。领县二：彭水，下。黔江，下。

怀德府，文宗至顺二年，府境洞蛮十六来降，诏升府为宣抚司以镇之。旧领州四。

来宁州，下。柔远州，下。酉阳州，下。服州，下。皆阙。

夔州路，下。唐初为信州，又为夔州，又为云安郡，又仍为夔州。宋升为帅府。元至元十五年，立夔州路总管府，以施、云安、万、大宁四州隶焉。二十二年，又以开、达、梁山三州来属。户二万有二十四，口九万九千六百。至元二十七年数。领司一、县二、

州七。州领五县。本路屯田五十六顷。

录事司。

县二

奉节，下。巫山。下。

州七

施州，下。唐改清江郡，又改清化郡，又复为施州。宋因之。旧领清江、建始二县。元至元二十二年，并清江入州。领一县：建始。下。

达州，下。唐为通州，又改通川郡，又仍为通州。宋更名达州。元至元十五年，隶四川东道宣慰司。二十二年，改隶夔州路。领二县：通川，下。新宁。下。

梁山州，下。本梁山县，宋升梁山军。元至元二十年，升为州。领一县：梁山。下。

万州，下。唐改浦州为万州，又改南浦郡。宋仍为万州，领南浦、武宁二县。元至元二十年，以南浦为万州。领一县：武宁。

云阳州，下。唐云安监。宋置安义县，后复为监。元至元十五年，立云安军。二十年，升云阳州，并云阳县入焉。

大宁州，下。旧大昌县，宋置监。元至元二十年，升为州，并大昌县入焉。

开州，下。唐改为盛山郡，又复为开州。宋及元皆因之。

叙南等处蛮夷宣抚司。

叙州路，古夔国，唐戎州。贞观初徙治夔道，在蜀江之西三江口。宋初仍为戎州，属东川路，后易名叙州，咸淳中城登高山为治所。元至元十二年，郭汉杰挈城归附。十三年，立安抚司。未几，毁山城，复徙治三江口，罢安抚司，立叙州。十八年，复升为路，隶诸部蛮夷宣抚司。领县四、州二。